

3.

Schreiben des Drosten Friedrich von Reden zu
Winzenburg an das Domcapitel zu Hildesheim.

Ohne Jahreszahl (c. 1430). Original (Siegel abgefallen) in der
Königl. Bibliothek zu Hannover.

Mynen wilgen denst toboren. Erjame leven heren van
deme doeme. So her Alberd Bock jw geschreven hefft: myne
knechte hebben men gegrepen ute dem richte to Gren¹⁾ &c.
Bidde ek jw weter, leven heren, dat ek to dersulven tid was
uppe eyner stede, dar my myn gnedige here van Hildensem²⁾
bescheden hadde; de wile weren eyn deyl myner knechte panden
gan in eyn holt, dat des stichtes³⁾ hord unde tostent den
armen luden van Freden,⁴⁾ dar hadden se inne grepen unde
pandet men, de mek unde den armen luden dat use nemen
unde leten de loven in de taffern⁵⁾ to Winsenborch der tid
unde stede de men doch vorgheten hebbet unde sind dar nicht
gekomen. Ok so hebbet de knechte my bericht, se enhedden se
nicht geschacht edder slagen. Ok, leven heren, mach juwer eyn
deyl wol witlik wesen, dat myn gnedige here van Hildensem
unde juwer eyn deyl unde unser beyder frund twischen uns
sproken, so dat her Alberd unde de syne nicht scholden hauwen
in den holten, de to Winsenborch tohord. Were dat orer dar
enboven weydede, de scholde sin eventur stan⁶⁾; darto scholde
her Alberd se nicht vordegedingen.⁷⁾ Hir enboven tuth he
sek dar to unde wil de men darto vordegedingen, dede my
unde mynen armen luden dat use nemen, des ek doch nicht
gerne togeve. Ok, leven heren, bidde ek jw weter, dat her
Alberd Bock ghistern an dem Sondage mid vele volkes to vote
unde to perde toch in dat richte to Winsenborch wente⁸⁾ by

1) Greene a. d. L. — 2) Bischof Magnus, Herzog von Sachsen-
Lauenburg, Mai 1424 — Sept. 1452. — 3) sticht = Stift. —
4) Freden bei Alfeld. — 5) taffer = taverne, Wirthshaus; „loven
in de taffern“ d. h. gegen Bürgerschaft erlauben, in dem Wirthshause
zu bleiben; vgl. „in de herberge loven“ Schiller und Lübben,
Mittelniederdeutsches Wörterb. II, S. 737. — 6) eventure stan =
etwas auß Gerathewohl versuchen, riskieren. — 7) vordegedingen
= vertheidigen, schützen. — 8) wente = bis.